

茂名縣志卷之一

星野

周官保章氏以星土辨九州之地所封封域皆有分星以觀妖祥後世分野之說本於此以十二國上屬二十八宿或疑其不然然自漢書地理志以來沿其說雖不可盡辨要不得而廢也

國家景運遐昌苞符協集茂雖百粵之一區而所爲上應天象者豈不永耀南垂哉志星野

爾雅釋天星紀斗牽牛也疏星紀吳越也

茂名縣志

卷之一

星野

一

春秋元命苞牽牛流爲揚州分爲越國

周禮疏頌女虛危元枵也齊青州分野自濟達河其象爲天津絕雲漢之陽而岱宗爲十二諸侯受命之府下流得婺女爲九河末流比于星紀與吳越同占南斗牽牛星紀也吳越揚州分野南斗在雲漢下流當淮海間爲吳分牽牛去南河浸遠負豫章迄會稽南踰嶺徼爲越分

史記天官書南斗爲廟牽牛爲犧牲婺女其北織女織女天女孫也斗江湖牽牛婺女揚州

正義須女越之分野斗牛吳之分野

前漢書地理志粵地牽牛婺女之分野也今之蒼梧鬱林合浦交趾九真南海日南皆粵分也

星經南斗牽牛吳越之分野揚州 牽牛六星次一

二星主南越明則王道昌 牛七度天之關梁女前

十二星近九坎東主十二國鄭北一星曰越

皇甫謐帝王世紀黃帝受命始推分星次以定律度

自斗十一度至婺女七度

一名須女

曰星紀之次於辰在

丑

亦謂之赤奮若

於律為黃鍾斗建在子今吳越分野

茂名縣志

卷之一

星野

二

沈懷遠南越志南越之地牛女分野揚州之末土也

唐書天文志南斗為吳分牽牛為越分婺女當九河

末派比於星紀與吳越同占 又曰初南斗九度餘

千四十二秒十二太中南斗二十四度終女四度自

廬江九江負淮水南盡臨淮廣陵至於東海又逾南

河得漢丹陽會稽豫章西濱彭蠡南涉越門迄蒼梧

南海逾嶺表自韶廣以西珠崖以東為星紀之分也

古吳越羣舒廬桐六蓼及東南百粵之國南斗在雲

漢下流當淮海間為吳分牽牛去南河寔遠自豫章

迄會稽南逾嶺徼爲越分翼軫鶉尾也初張十五度  
餘千七百九十五秒二十二太中翼十二度終軫九  
度自房陵白帝而東盡漢之南郡江夏東達廬江南  
郡濱彭蠡之西得長沙武陵又逾南紀盡鬱林合浦  
之地自沅湘上流西達黔安之左皆全楚之分  
唐書地理志嶺南古揚州之南境韶廣康端封梧蒼  
羅雷崖以東爲星紀分  
牽牛婺女越之分野

茂名縣志

卷之一

星野

三

馬氏文獻通考自南斗十二度至須女七度是爲星  
紀於辰在丑吳越之分野屬揚州

宋史嶺南當牛女之分

元史斗四度三十六分六十六秒八吳越分

明統志粵廣州牛女分野南雄韶州肇慶高州雷州  
瓊州同惠州潮州牽牛